



Home > PEIRE D'ALVERNHE > EDIZIONE > Amics Bernartz de Ventadorn > Tradizione Manoscritta > Canzoniere I > Edizione Diplomatica

Edizione Diplomatica

[c.155rB]

	Peirols et en bernartz deluenedorn. xv. A Mics bernartz del uentadorn. Com uos podetz del chan sofrir. Quant aissi ausetz esbaudir. Lo rosignolet nuoit eiorn. Auiatz lo ioi que demena. Tota nuoit chanta sor la flor. Mielz senten que uos en amor. P eire lo dormir el soioirn. Am mais quel rosignol aussir. Ni ia tan sabrias dir. Que mais en la follia torn. Deu lausors sui de cadena. Euu-os etuich lautramador. Es remazutz en la follor. Q ui ab amor nos sap tener. Bernartz greu er pro ni cortes. Ni ia tan nous fara doler. Que mais no(n) uailla cautre bes. Quar si fai mal pois abena. Greu ahom gran ben ses dolor. Mas ades uenz lo iois lo plor.
---	---

[c.155vC]

	P eire si fos al mieu plazer. lo segles fatz dos ans o tres. Do domnas uos dic en lo uer. No(n) foron pregades p(er) nos. Anz sostengra tan gran greu pena. Quelas nos feron tant donor. Quanz nos pregam que nos lor. B ernartz so es desauinen. Que domnas preguen anz coue. Que hom las prec el or clan merce. Et es plus fols mon esien. Que sel que semenarena. Qui las blasmas ni lor ualor. E-mou del[1] mal enseingnador. B ernautz foudatz uos amena. Quar aissi uos partetz damor. P(er)cui ahom pretz eualor. P eire qui ben ama desena. Quar las tricharitz entre lor. An tot ioi epretz et amor. [1] l aggiunta in interlinea.
--	--

- letto 278 volte

Source URL: <https://letteraturaeuropea.let.uniroma1.it/?q=laboratorio/edizione-diplomatica-1910>